

四庫全書

集部

欽定四庫全書

秋崖集卷十

宋 方岳 撰

詩 七言律體

次韻吳殿撰多景樓見寄

多情王粲怕登樓誰遣人間汗漫遊
蓴菜夢回千里月蘋花老却一江秋
人如沙燕年年別騷到湘纍字字愁
正爾相觀衣帶水角聲孤起暮雲稠

旅思

索米長安鬻易絲向來書劍亦奚為
無詩傳與雞林去有賦羞令狗監知
兩戒山河饒虎落五湖煙水欠鷗夷
喜無光範三書草此段差強韓退之

寄友人

面熟青山亦故人霜逢肯負月粼粼
如聞行李且家住未必梅花知路貧
薺老自堪供野飯冒寒誰與鱸溪鱗
商量只有歸耕是不料歸耕也誤身

次韻葉兄雲崖

以酒為鄉墨作莊
厓寒雲亦為詩
忙春山藥草誰同斲
雲逕梅花只自香
竹不礙山青入戶
蘚緣謝客綠侵床
豈無楓葉吳江句
夜雨何時稻韭黃

客有餉水母線者坐人賦之因次其韻

蒼潮漱雪儘風流
寒擁春沙了雋遊
霜髓英英矜客夢
水絲一一做詩愁
有騷風味秋能老
非酒生涯誰與酬
解佩楚臯雲杪月
明正在玉搔頭

山行

歲晚誰同澗谷槃一牛呼犢野煙寒村如有雪
蕎花白山未著霜桐葉丹是處豐登茅店酒老夫閒散竹皮冠
醉歸更草郊居賦傳與詩人作畫看

其二

亦笑先生疏一槃雲沈作塢卧荒寒童顏併已無班白
槁面舊曾如渥丹底用魚烹雙素尺共知鶴化一黃冠
芙蓉冷落秋蕭索只有籬花耐久看

送別李觀

山留遷客秋風寺想得梧桐怨夜長
正欠蹇驢相就語其如征燕欲歸忙
蘋花思與晴江渺桂樹寒生老月香
一路有詩煩拾取寄書猶及鴈前霜

偶閱夷堅志見梁鄭公有九月梅花詩因復次韻

秋容正待滿林雪春色因何到草堂
地脈頻回消息早天葩不作等閒香
丹楓欲老已如許黃菊同時未敢芳

不等歲寒催鼎實角聲自與月平章

道中

山寒苦厭連宵雨溪滑頻添兼尺水輿行兩驛費十程
逢卧一篙餘百里世事乘除類如此人生俛仰知何似
紫螯美不負秋風但媿前頭子陵耳

呈知郡汪少卿

集英賜對已專城竟拂爐煙上翠瀛蹕靜共傳新太守
硯寒仍是舊書生詩如霜月五更曉人與梅花一樣清

昨夜紫陽山雪外漏傳鼓角亦分明

次韻汪少卿禱雪有感

梅梢了未知寒在剪取清溪作雪飛
正草綠章箋玉帝頻驚碧宙舞瑤妃
賣刀我亦耕侯土歌袴今誰典客衣
想得夜窓春滿袖燕爨香煖醉吟歸

三巖

山入蒼州翠作層何年鑿此玉峻嶒
瀑從峭壁飛將落雪返蒼崖危欲崩
寺老尚堪支古佛地靈不肯着凡僧

定應嫌客留名姓雲逼人寒一硯冰

簡竹外

山肯相容作此行又攜老石寄江城毛錐於我獨無補
歡伯向人如有情幾夢不知連鴈遠一詩元只為梅清
蹇驢欲過吳門尉雲凍商量雪未成

得家信

雲凍窓櫺香未殘月欹沙渚角聲乾相思千里夢初斷
又是五更霜正寒客路不知花代謝家書只報竹平安

詩情却與山如舊但做吾鄉一等看

次韻方叔

江樓識面一朧然語帶煙霞侶欲仙
山雨竟寒清夜約好風吹落碧雲篇
相逢客路思歸日幾立梅花欲暮天
有興話詩吾儻住一蓑須辦雪溪船

簡王尉借書畫

雪屋燈寒費廿年春臯悔不早歸田
書無靈聖今猶爾句有神竒亦偶然
如此溪山那得酒幸而風月不論錢

三三習氣除難盡忽憶朱家書畫船

次韻山居

孤亭危受衆峯朝歲晚移床借避囂
梅次第花春漠漠鶴相隨睡夜寥寥
諸公安用怒生癭老子豈為饑折腰
更入亂雲深處去極知與世不同條

其二

諸老鳴靴日上朝有人幽處厭喧囂
江鄉十月稻成熟茅屋一燈山寂寥
天不與生犀挿腦人今能幾寶圍腰

從吾所好寧相誤
洙泗壇荒有玉條

其三

文如翻海百川朝
不說從前兩耳聾
徑與此山俱寂寂
未應吾道竟寥寥
一生不辦雕龍口
十萬誰纏騎鶴腰
但得草茅休歇去
何如快活有新條

其四

閒民亦幸樂清朝
蓑笠過從語不囂
儵忽豈能知混沌
玄冥頗亦識參寥
年華鼎鼎分杯面
筋力時時借樹腰

月冷霜寒驚鶴帳住山活計太蕭條

重題釣臺

落帆曾傍蘆花宿借得先生月一灘鷗鳥未忘吾道在
江山肯作故人看樹昏斷岸潮聲急雪洗孤臺石罅寒
最喜吾宗詩有派每依蒼石挿檣竿

送客

瘦馬孤征雪滿衣山長誰不念庭闈燈寒竹屋無人共
月到梅花有夢歸抵掌相逢連夕語轉頭頓覺十年非

武夷人老君行矣莫待墨池春浪肥

次韻鄭省倉見寄

倦客京華鬢已疎詩顛草聖了無餘
別離菊酒纔秋晚流落椒盤忽歲除
東閣士應羞噲伍北山人有絕秦書
草廬十具牛如辦却是求田勝本初

其二

老年夢不到歌姝一笑離尊孰與娛
歲事沈沈江上月世情汎汎水中鳬
路貧如此誰來往山意於人定有無

牢落不堪持說侶詩成時一寄奚奴

訪張居卿不值

與客敲門野竹邊
蹇驢何許兀吟鞭
蒼頭不訪孤山鶴
素手空回剡曲船
書不療饑聊爾耳
酒能作病豈其然
曾留一則山中話
可問南湖雪後天

湖上

老藤支我步湖湄
借與晴光一欠伸
楊柳得春青眼舊
山巒留雪白頭新
鐵琅璫語尋齋鉢
銀鰈刺肥収釣緡

有兩黃冠共棋局相攜便作所歡人

易地昭武去之日與家人集新作南門書水鏡
壁上蓋十一月廿六也

晦庵呼我住山南五老人知百不堪極目無窮江渺渺
滿頭歸去雪毵毵吾生只可龜藏六世事何如狙賦三
政有梅花管迎送歲寒行路飽曾諳

十二月二十四日雪蓋予三年于淮纔見此耳
時東師援淝水捷書西來走筆呈趙公借官奴

與幕友一醉

淝水風聲欲破符文城雪意趣禽吾詩筒擬醉玉跳脫
捷羽已飛金僕姑剡曲但能乘興逸灞橋僅不負詩癯
那知莫府文書外更解飛瓊打陣圖

除日雪甚約客不至乃擁貂驟馬于郊外獨飲
摘星樓舉鞭謝客曰未可使城下諸公知之但
當誇與灞橋驢子上鄭五耳

揚州二十四橋月莫作灞橋同調看詩果位登銀色界

酒風流倚玉闌干六花比侶瓊花巧一歲翻成兩歲寒
明日屠蘇催短鬢過從更覺欠袁安

催雪

作箋擬上朝元殿為說梅須雪轉香杯雋已生詩意思
硯寒更作夜商量輕明玉費天工巧頃刻花催帝子忙
醉夢蓬萊宮闕冷共題新曲按霓裳

次韻梁權郡喜雪

雪易商量不等詩徑傳寒令舞冰夷夢分曉殿香仍悄

心到春叢帝未知擬寄新花誇北客共憐英氣小南枝
凍雲滿有豐年意併與農謠入燕巵

雪作泊七里灘

春聲賓鴈鴈賓年倚盡沙頭欲暮天蒼石生成嚴子瀨
雪篷畫出剡溪船相望江樹隔千里不與梅花留一錢
此去更尋林處士南山之後北山前

次韻汪少卿雪晴

夜寒吹角落孤城吹得詩成天未明雪沍賓鴻催歲事

霜晴烏鳥作春聲一床書老客中夢二頃田微郭外耕
但得年豐歌袴飲茅齋猶有舊甃觥

次韻陳祭酒喜雪

曉聽爐亭瀉竹聲老仙呵墨已詩成春連宇宙開皇極
天與君王作太平草木有生皆潤澤山河無處不清明
寒蓑莫袖垂綸手萬里長江一艇橫

其二

飛到裘茸不肯飛危樵孤倚暮江時
袁安家在鴻濛外

剡曲人誰汗漫期氛祲不傳青海箭豐年又入紫皇詩
春風吹落人間世只有梅花聖得知

餐雪轆轤體

酒渴來時海不供山寒餐玉有奇功
柘漿滴處絲糕紫冰盃擎將片腦鬆
透骨洗清煙火氣滿腔頓着水晶宮
人間塵土何堪住徑住瓊瑤第一峯

歲晚

山雲之東東復東一蓑寂歷鳴霜風
儻來軒冕外物外

別有宇宙中局中春容已自柳梢碧人面未必桃花紅
六十看看遽如許世間白髮何曾公

除夜

雪甕冰壺了歲除停杯且聽話迂疎山居雖窄可無竹
家計甚貧猶有書但覺是非驚化鶴不將喜怒等羣狙
耦耕久與鄰翁約春雨寧辭手拮据

歲朝

青山不侶歲華老白酒最於鷗鳥親十事九休書作祟

百無一有硯生春貧中只是尋常日醉裏何知見在身
却喜東風公道在池塘吹綠漲痕新

約劉良叔觀苔梅

雪侵橫驛苔枝古莫作江南一樣看
醞藉春情何遜老
稜層詩骨孟郊寒也知餘子十分俗
雅有書生半點酸
政恐劉郎識桃耳相從冷澹亦良難

再用韻

黃昏疎影橫斜月說似詩人子細看
蘚樹卧龍鱗甲老

霜橋立馬骨毛寒共尋雪句心猶苦只嚼冰鬚齒亦酸
涪老未為知已在水仙畢竟弟兄難

三用韻

自洗銅壺倚碧欄丁寧莫遣俗人看春柔轉覺沈郎瘦
雨重那知范叔寒東閣酒深詩興浩南枝月冷角聲酸
孤山逋老曾題品到得吾曹著語難

四用韻

白玉為堂月一欄何如茅屋雪中看笑堪索否便堪醉

盟可尋歟不可寒枝北春風驚婉婉江南煙雨幾悲酸
清香吹落騷人手墨妙筆精并二難

五用韻

水曹為骨逋為髓風雪灞橋誰共看千里夢回歸路遠
一枝春占暮江寒飛飛兩片猶堪醉點點晴香亦帶酸
雙玉瓶乾情正洽與君落筆不辭難

以梅送王尉

雪澗偶逢山澤癯相攜茅屋對團蒲古心不為世情改

老氣了非流俗徒三讀離騷多楚怨一生知己只林逋
詩成不值渠為伴持醉主人雙玉壺

再用韻

才有騷情例合癯只銷清供老伊蒲孔方兄自非吾黨
木上座堪尋酒徒寄子梅花逢驛使敗人詩興苦催逋
夜寒夢到西窓竹明月一床冰一壺

正月盡山間梅花猶有未放者

南枝寒盡着花遲入我新年第一詩明月向人應有語

金月
卷十
老天於物本無私自逋之後誰相得未雪以前春不知
儘讓世間凡草木再三守此歲寒姿

次韻海棠

暖酣翠袖倚清妍露洗輕紅待舉鞭嬌懶不知春二月
風流堪聘晉諸賢天生富貴家何在花有神仙譜未編
誰鎖二喬深院落只將愁思過年年

其二

殘風剩雨今如此莫遣臘脂雪滿枝洛浦夢酣花半醉

華清浴困手雙垂一杯而別亦何恨十日之春能幾時
不遇少陵休悵惋醉中試作補亡詩

次韻

海棠寂寂香埋玉山雨浪浪負雙足閉門長憾虎頭癡
對客不供貂尾續徑呼伯雅相拍浮試坐毛錐三沐浴
滿身花片為誰春政欠太虛明月燭

海棠盛開而雨

閉門十日雨淋漓洗盡紅香了未知纔一霎晴齊睡去

幾何人見半開時世無解語玉超脫春欲負予金屈卮
自是晦明天不定非干工部欠渠詩

其二

醉紅睡去不勝扶遮盡丹萸蓋綠蕪四立壁成花世界
一年春在錦屠廡山中富貴遽如許詩外豪奢有是夫
已與婦謀須斗酒不知明日定晴無

又次韻謝司法

風光已是二分時翻覆人間幾局棋山雨不容春到眼

海棠無復曉凝脂情懷未必禽魚識歲月何堪駟馬追
只有茶蘼香侶酒等閒開自不妨遲

接花

楚籜并刀社雨前掇紅接紫自年年顛風稗子僧成佛
白日爛柯人詐仙半霎時移愚智性一丸泥奪化工權
可怜人自生荆棘却變初心失本然

種瑞香

自種幽香傍短檣荷鋤政用雨冥冥山家安得瑞龍腦

春事不專紅鶴翎持向東風論甲乙與遮西日費丁寧
何年得似熏籠錦茗盃時時為乞靈

食猫筍

此君乃有寧馨兒犀角豐盈玉不如老去煙姿元聳壑
生來風骨已專車詩腸慣識猫頭筍食指寧知熊掌魚
莫遣匆匆上竿綠一春心事政闕渠

楊妃牡丹

馬嵬殘恨久銷沈花撚粧痕尚不禁當日願為連理木

春風不負合歡心病維摩減詩情盡窮
孟嘗添酒債深醉面欲醒如有舊沈香
亭北記曾吟

次韻牡丹

洛陽兒女惜花殘認得愁痕入黛巒
夜雨正驚春冉冉晴風欲墮玉珊珊
一詩自直連城壁千葉誰分徑尺槃
煩與丁寧留醉在窓綃深掩護輕寒

答惠牡丹

不識桃花過一年已甘無分牡丹邊
開園肯剪夜欄雨

抱甕亟分山澗泉書室乍驚春富貴草廬誰結酒因緣
如聞花貢今成例獨未時情也自賢

水仙初花

叢叢低綠玉參差抱甕春畦手自治地暖乍離煙雨氣
歲寒不改雪霜姿太真妃以香為骨虢國人嫌粉浣眉
莫道秋崖無造化解令朽壤出神奇

晚汎草塘有魚入舟呼童鱸之適見瑞蓮駢植
與客賦首尾吟

草塘晚汎亦佳哉誰為貧謀獻鱸才自入船來銀潑刺
且留客共月徘徊不須溪友投竿線徑與詩人上酒盃
著意出奇殊未也柳邊又報瑞蓮開

其二

柳邊又報瑞蓮開持與南薰討論來君子花寧兒女態
隱居人豈艷陽才一經在昔曾雙薦三世於今不異財
自有老天知我在草塘晚汎亦佳哉

次韻瑞蓮

得種初非相府蓮誰令連蒂擢山泉東西玉已幾相属
大小喬今雙欲仙塢曰荷嘉真是矣人言花是豈其然
山居但憶遠公社却與遺民孰後先

效茶山詠楊梅

五月梅晴暑正裨楊家亦有果堪攀雪融火齊驪珠冷
粟起丹砂鶴頂殷併與文園消午渴不禁越女感春山
略如荔子仍同姓直恐前身是阿環

次韻紅蕉

霜林蕉葉尚橫陳，不易禁寒夜嚮晨。
以貌取人通體俗，其心如我別般春。
兩年開就花何晚，千里移將句有神。
待學伊蒲修淨供，自烹菡萏當猩唇。

再用韻

籬根宿草已陳陳，誰護蕉紅到此晨。
雪裏寸丹長似舊，人間萬綠未知春。
翻經曾識觀身法，乞種親為土地神。
孤負晚風生酒興，維摩示疾不霑唇。

三用韻

山花山草雜前陳誰解芬芳霰雪晨紅齒昔肥如欲焰
綠玲瓏卷過于春化工有意憐丘壑老我無詩泣鬼神
待喚麴生相暖熟雨晴禽哢是歌唇

次韻林同年見寄

水驛山城幾往來雪鷗亦怪面生埃徑歸不為麒麟楨
多病竟孤鸚鵡杯老子地寒餘草逕廣文官冷合蘭臺
山居美不堪持贈雲濕墮樵羹芋魁

用韻簡趙尉無牡丹


亂山深處有誰來詩硯荒寒一寸埃特未可知天下事
斷無相負掌中杯人傳梅隱近入幙我但糟丘高築臺
竹友松朋真耐久可曾將口問花魁

三用韻酬沈同年

兩屨適從何許來雙蓬無處避風埃江湖誰共月千里
軒冕真同水一杯縱有窮愁侵病骨斷無榮辱到靈臺
只銷處士星明潤未用三台入斗魁

汪校正送鸚鵡

山中寂寞無與語
隴客適從何許來
每慨俗人言少味
寧知凡物忌多才
關山坐隔月千里
湖海相忘酒一杯
畢竟與渠毛羽別
窺簷羣雀漫驚猜



秋崖集卷十

欽定四庫全書

集部
秋崖集卷十二

詳校官起居注主事臣顧宗泰

主事臣呂雲棟覆勘

總校官進士臣朱 鈐

校對官中書臣高 中

謄錄監生臣施 華

欽定四庫全書

秋崖集卷十一

詩 七言律體

宋 方岳 撰

寄范參政

逐客無書入帝城
靈光今闕幾公卿
當時何敢書三宿
諸老誰招魯兩生
雙碧崔嵬容雪卧
一黃鰓鯨了春耕
極知窮薄難為力
猶幸林間識太平

寄史監丞

雲卧空山抱月明不將此手揖公卿詩狂肯換五花馬
酒興徑乘雙玉餅老子曾吞雲夢澤夜寒筆捲雪濤聲
三生杜牧能容否醉眼何妨一笑橫

挽謝公王

白鹿遺書山澤癯歸來花木儘堪娛功名之夢晦庵晦
禮樂其家迂叟迂雪屋一燈春夜半竹山千古暮雲孤
雨寒愁絕蘭亭禊靈壽空餘九老圖

謝管轄挽詩

劔吼空山鶴夢寒
聶仙夜訪碧雲冠
兩山拔起煙塵外
一壑歸來天地寬
月滿石壇朝斗罷
雲眠竹所乞詩刊
松花落盡不知曉
留得殘碑與世看

內翰程端明挽詩

倒瀉銀河洗肺肝
初傳冰句落人間
吾州誰繼龍溪老
內相寧論豹尾斑
汲冢以來書盡讀
商盤而上筆追還
豈無名字藏金匱
只與君王丐一閒

其二

旋踵之間政事堂掛冠神武一何忙
松風醉卧山前後
梅障留題春在亡
八十磻溪纔事業
百年落水自平章
老天肯使斯文墜
劒履已空笙鶴翔

次韻程汪二兄投贈

未論知己定誰欺
却恐春臯失故吾
窮老不隨時世薄
行藏猶識聖人汙
陶元亮已覺今是
祁孔賓母費夜呼
便擬耕桑教豚犬
不令渠輩指之無

其二

誰放詞林出一頭窮愁自欲着春秋傳杯有手堪持蟹
解佩無刀可買牛何苦文章驚海內已甘煙雨老巖幽
芷汀蘭渚離騷在付與春江自在流

寄題鹽城方令君搖碧閣

有山無水山枯槁有閣無書閣未清作計者誰三太息
美君於此四難并宰官身落秋城拆處士星寒雪墅畊
蚤晚檣竿插蒼石重拈秃筆與逢迎

次韻程兄見寄

萬事於吾一羽輕未忘情處聖人清
抵須賦奏長楊館只以詩為細柳營
歲月凋零霜後葉交游聚散水中萍
短書忽到維摩室未信已寒文字盟

簡季桐廬

愧面何堪見客星移舟且莫近前汀
鷗沙草長連江暗蟹舍潮回帶雨腥
歸去尚餘初鴈栗生來能費幾苓筍
詩腸一夜生芒角試問故人雙玉餅

始見臺章彈子面目可憎唇脂可畏

生無燕頤可封侯貧有牛衣可省愁老矣江湖雙短鬢
悠哉天地一歸舟野夫疇昔友麋鹿人世是非風馬牛
口角雌黃吾豈敢併忘皮裏有春秋

次韻辟雍同舍用予魁字韻

行輩參差落後來未經老筆掃氛埃閒知天地摩銅狄
莫謬春秋著玉杯斷藁略堪供醬瓿騷人徑欲築詩臺
更煩同舍郎題品只欠同年舊榜魁

卷十一
送寺丞韓君守新安

君家集有陸參序老筆誇張歛大州三百年來非昔比
二千石喜得令侯早田已槁曾關念舊石雖竒不到收
沃沃桑麻山雨外歸歟亦買羸牛

其二

吾州可但佳山水薰沐詩書自不同牧守曾留今相國
郡人況有我文公諸賢雅欲相俎豆一念底須多銛筒
三十六峰吟更筆只將無事過年豐

夢平山

擊楫濤江二十春平生蹤跡已成陳
秋城一別芙蓉老
夜析幾番楊柳新社燕欲歸仍擇木
佛狸不死每驚塵
如聞露布今三捷莫遣天驕返隻輪

寄呂宗卿

昔我林臯麋鹿姿云胡今我復來思
舟行嚴瀨多逢雨
山識吾宗少有詩風月厭談當世事
乾坤獨與古人期
西湖煙水春無恙坐想梅花聖得知

次韻李君攜示唐告

唐家甲乙尊門族誰有流傳直到今
一代衣冠王子表
三朝雨露聖人心
曾經竹巷醉雙玉
盡出花綾諾百金
湖海半生今見子
摩挲未負老侵尋

次韻黎倅

幸自青山肯見分
一蓑何不竟眠雲
魚肥西塞儘堪釣
鶴怨北山誰勒文
自脫唐衫尋輦路
只將周易對爐薰
追尋蠻觸非吾事
終欲茅廬老聘君

次韻盧監

蘭亭人寂幾何年著我糟丘亦冗員
尋訪雪溪無酒債主張禊帖有詩權
千巖秀處書如堵五月涼時藕似船
只麼拍浮真足矣底須妄想到花邊

次韻徐宰題岳王祠

殺氣猶纏岳字旗秋風鐵馬已南歸
和之一字誤人國今且百年遭禍機
白骨自荒公論在青山良是物情非
一坏誰弔長陵土淚落囊封御筆依

悼祭酒徐仁伯

皇天老眼定何居禍酷如公古亦稀
酖毒不令猜叔子藥家誰實死顏畿
人心縱險難清白世變不磨真是非
畢竟若為書史冊暮江倚徙淚沾衣

其二

同謁翹材話直前別纔信宿訃驚傳等之百世無今日
殺我三良不半年公與朝端清到底人言次相直如弦
奏篇共上寥陽殿未必精忠隔九泉

次韻徐宰齋宿學宮

孔堂雨宿盍儒簪自與諸儒守誨箴
白髮一經流俗眼
青山千古聖賢心
夜窓燈冷書如堵
春草壇荒杏滿林
想得夢回科斗壁
隱然絲竹尚遺音

別羣玉同舍

纔入蓬山路已迷
青虬夜吼又東西
茶蘼略有一日雅
鮮石未乾千佛題
冊府敲茶玄鶴舞
軍門草檄玉驄嘶
羣仙定說粗官在
臺史今占太白低

次韻劉架閣和予壬寅入局詩

入開圖籍底須箝誰校蓬山三萬籤有竹兩窓聊下榻
為梅一笑幾巡簷虎頭食肉亦安用熊掌與魚那得燕
好事人來勤載酒縱無奇字不渠厭

銓瑣

綠漬苔痕蝕斷碑摩挲名字笑衰遲雲寒昨夜人何侶
雨鎖重門春不知莫倚離騷堪僕命從來造物亦兒癡
轉頭十五年前話獨立東風舉侶誰

送滕廣叔銓試

廣叔尊公自補入上庠
至賜第皆為上十名

矮屋曾分雪夜燈
相期各已上青冥
得官誰謂非黃甲
如我今猶祇白丁
別久不論清濁酒
情親或夢短長亭
一生科目十名上
自有君家舊典刑

和知郡史監丞鹿鳴宴詩

文物聲明極盛秋
傳巖人不待形求
筆扛龍鼎雄豪在
手拔鯨牙汗漫遊
溫飽定知非雅意
治安誰與借前籌
老子曾到慈恩頂
更放諸賢出一頭

縣送邸報

綠陰門巷冷沈沈何許文書忽見尋誰愛屋烏方引玉
同騎竹馬或登金今吾久已忘人世故紙馬能損道心
只有斷雲知此意為驅一雨洗山林

次韻淨照

一筇一衲出山相不道斯人故可人我已久聞揮翰手
師寧相對坐禪身山林有味青燈古天地無情白髮新
認取本來真面目瀑泉詩好未知津

贈談命者

客有攜詩夜扣扃典衣何惜倒吾餅山城難覓葡萄綠
竹火終強鶻鴒青迂俗坐談捫蝨略治生欲讀相牛經
向來人亦多稱好正坐無錢語不靈

贈術者王髯

王髯過我秋崖底未識青囊且對棊萬事只銷三字好
一生寬破百年癡有田種秫便可耳無分讀書姑寘之
苦勸勿寒場屋夢此言却恐白鷗知

次韻葉宗丞約遊括蒼

一詩不了蒼州債，曾泊春沙問水程。
山自強如吾郡好，酒今聞有括灘清。
文章未得半分力，故舊難忘少日情。
已斲莓苔新種竹，恐無辭與此君盟。

題歸來館

莫問淵明隔幾塵，歸來甕面綠粼粼。
醉眠明月元無價，對畫凌煙自有神。
絕口不談當世事，掉頭寧作太平民。
春來春去棊聲外，不管人間局面新。

與蔡吏部林直院別江樓

又拋蓑笠出山來，那得江鷗不見猜。
一醉真成吞溟滓，三人曾共住蓬萊。
翰林詞伯玉為骨，直指繡衣霜作臺。
莫笑樵溪窮太守，短篷煙雨亦佳哉。

次韻楚客

成角吹將短鬢華，此情付與酒生涯。
兩淮無事山如畫，九日明朝菊未花。
有客敲門緣問事，無田負郭却思家。
鴈來不帶江南信，帶得新愁落晚沙。

符堅之符從竹者非載賡呈似

天與西頭掃澤符飛英亦暗合孫吳水肌起粟愁雲母
水骨浮槎立雪姑竹丈夫哉能崛起強梅兄弟者亦清癯
一蓑誰傍逢籠宿畫出寒江獨釣圖

過吳江

風借吳松十幅蒲春愁渺渺際烟蕪傍船時有能言鴨
舉網今無巨口鱸欲訪龜蒙前杞菊誰憐麋鹿舊姑蘇
一尊重酌沙頭月物色分流到我無

種桂

山翁不辦碧油幢
辦與秋風斲老椿
嚼雪未論香世界
眠雲已愜月軒窓
誰分兔白玉千杵
不費鴻門璧一雙
蚤晚乘槎問銀漢
呼童多釀酒成缸

次韻鄭省倉

月滿長汀晚沐新
一涼猶下耐冠巾
江連碧樹自今古
我與青山迭主賓
乞巧未能從帝子
坐愚寧免辱溪神
向來鷗鳥間何濶
莫是炎涼不我親

再用韻

雨過苔磯片月新
黃琉璃簾岸綸
巾平生不負楊臨賀
半夜誰呼祈孔賓
堪傲軒裳中酒聖
肯污筆硯論錢神
北山猿鶴應驚怪
已覺塵埃不可親

又次韻

半夜江城久已諳
白鷗眠處落烟帆
詩窮政有牛腰軸
身散寧為馬口銜
時以酒澆胷磊磊
或嫌山似面巖巖
春田蕪沒歸耕是
待與豐年賦載芟

其二

綠陰政自可羸駝舴艋何堪暑氣快沙磧稍涼客且住
水程雖遠未須貪吾儕焉往不三黜此段無勞忍一慙
山際有田歸自好休論暮四與朝三

風作

年光何啻蛇赴壑仕宦略如魚上竿疇昔本無溫飽志
歸來只作等閒看人間萬事風濤急雨外一蓑天地寬
潮落海門烟樹綠舉頭已不見長安

七夕潘宰招不往

投老歸歟拙獨存，剖瓜亦欲問天孫。
故人有約夜堂醉，老子不禁秋暑裨。
却恐長繩縻日月，政須高枕問乾坤。
北窓風好難為客，未辨冠巾數候門。

海棠

半吐柔芳暖正妍，
趣晴何不試籠鞭。
玉環醉矣春無賴，
金屋貯之人孰賢。
花比紅兒誰作譜，
詩傳嬌客已成編。
湘簾燕子人家月，
一笑春風不計年。

其二

黃州不識春風面
噲伍漫山桃李枝
銀燭夜深粧額褪
錦屏睡足鬢絲垂
半醒半醉凌晨酒
幾雨幾晴寒食時
莫怨家人多命薄
緣愁却入老坡詩

用程兄韻奉諸公題跋還人

老硯生苔爾許時
誰憐官事落兒癡
江湖十載春無據
天地一舟歸有期
客有相從蝸殼語
詩來云受鶴山知
皮毛剝落惟真實
那用諸公絕妙辭

次韻鄉友

書生作計已差殊，沉復真窮五技癯。
空費寸陰，時急羽還同斗米飽。
侏儒鷗盟正爾，隔千里鶴夢何曾到。
九衢茅屋春寒，明月夜梅花曾與寄聲無。

次韻三四弟

入手功名不厭遲，政須努力莫傷悲。
二難寧共姜肱被，一染誰憐墨子絲。
仕宦金吾吾亦愛，饑寒玉汝汝當知。
青燈夜寂聊參取，侑坐為銘只此詩。

石孫偶中童科程弟有詩次韻

衰暮安能六出奇
桐孫賴有嶧陽枝
九經庫謾無遺讀
千里駒寧不受羈
薄命久遭時俗態
此心莫倚老天知
待歸共買黃牛去
耕落煙村月一眉

花謝

駭綠紛紅醉欲沈
晚風不易阿環禁
雙回姊弟瓊瑤面
獨試先生鐵石心
春事略如飛夢過
人生莫到受恩深
霓裳一曲今何在
不盡長吟復短吟

晚春

倦眼忽驚三月暮，杜鵑啼處綠陰多。
春今且住為佳耳，雨不能晴將奈何。
紅紫只催人老大，蒼浪莫怨命蹉跎。
貧中政自難留客，賴有詩情尚不磨。

遣興

莫怨乘桴道不行，身方否處道方亨。
大千世界愁中老，八萬障門嗔上生。
了了不如都懨懨，休休便是力修行。
夜缸酒熟誰堪喚，共啜人間骨董羹。

其二

老去犁鋤易作勞
藤陰纔午卧衡茅
鬚眉甚古松當戶
羽翼初成燕出巢
安所歸乎惟酒隱
宛其老矣只詩豪
忍窮不欠魚羹飯
每向人間笑獨高

除夕

生菜春盤草八珍
燈前殊未覺家貧
幾多茶壘中間事
第一屠蘇最後人
衰病不圖今夕健
須臾又是隔年春
東風自此無閒暇
萬里乾坤一夜新

其二

梅花遶屋柳遮門不是閭閻不是村
歸寄柴桑人自老就荒松菊徑猶存
事闕時命才何與技止文章道未尊
燈火半生堪底用只將黃犢教吾孫

其三

一牛西崦又東臯獨宿中年共作勞
世事略如雲變滅人生未抵玉堅牢
山林性氣與時背霜雪髭鬚得酒豪
野屋難為春帖子自研冰雪寫離騷

其四

當年意氣亦堪悲
歲晚胃懷只自知
十有九分天不管
百無一遂老如期
燈寒夜雪漁蓬屋
春共梅花野竹籬
衰白東風那解綠
底須苦向鬢邊吹

其五

薄薄村醪旋旋第
一杯又了一年愁
化為道士前身鶴
驅向禪林露地牛
今我何如惟老圃
古人安在亦荒丘
牡丹且莫相孤負
已為春風着小樓

其六

一枝紫竹兩青鞋只麼窮年亦自佳
理亂不知閒世界浮休自若老情懷
竹居可使食無肉草具寧須菜與鮭
春入燈花供別歲葛巾隨分對荆釵

其七

家世無年事可知沉吾久矣嘆吾衰
玉丸不住歲華老鐵硯未穿筋力疲
一笛跨牛終寂寞萬錢騎鶴兩參差
年年此夕椒花頌能費先生幾首詩

其八

守歲團欒謝兩侯堆盤水陸有珍投鱗香透白瓊瑤片
蝦醉殷紅瑪瑙鉤漣酪遠分閩嶠雪枝柑猶帶石橋秋
老饕兀兀陶陶外一笑人間百事休

其九

短髮蕭蕭老侍祠夜壇三上華封辭皇儲天啓重輪日
帝座春環萬壽卮材具不供當世用林居亦望太平時
羽衣舞手香如霧報答空餐但祝釐

其十

追風逐月費攀躋
冉冉流光欲乳羝
命薄最于窮鬼厚
氣高不為貴人低
交情安得玉連瑱
世路真同鐵蒺藜
未及龍鍾且行樂
池塘吹綠又萋萋

府公微猷餉酒蝦

長鬚翁卧瓮頭春
醉不勝扶絕可人
琥珀色濃紅透肉
珊瑚鈎嫩冷生津
欲酬野句不當價
粘出侯家總是珍
此法縱傳無此料
石橋雪水玉粼粼

夜渴挑菜

酒醒山月欲侵樓小摘園蔬雪滿溝春入石爐然翠釜
濤翻銀海走青虬十分脫出詩書味一色本來風露秋
莫恠諸人難與語滿腔元只爛羊頭

送徐太博守莆中

南州高士心如水夜雨爐亭歲欲環朝蹟只如初到日
州麾猶在兩年間秋來竹屋多歸夢天與莆人一破顏
館下諸生能戀戀眼中循吏故班班相傳士子多于鯽

共喜府公清似山慶歷諫臣書在否乾淳文賦筆追還
郎官紅熟海風靜通印子肥春網閒心事太平兒女語
詩家尊宿鬢毛斑歡迎騎竹來何暮贈別垂楊不可攀
辨與老夫同一念不憂吾道久間關

效演雅

山谿斗折更蛇行逗密穿幽見物情蜜為無花糧道絕
蟻知有雨陣圖成飲風吸露蟬尸解聳壑凌霄鶴骨輕
鸛鵒能為祖仁舞狎鷗欲與海翁盟未忘王謝尋常燕

不肯酈生吾友鶯鶯以後先爭食邑鵲占南北啓門闕
春池潑潑魚當乳霜渚喑喑鴈不鳴啄木畫符工出蠹
提壺沽酒為催耕蚌何知識三緘口蟹坐風騷五鼎烹
巴郢畫眉翻律呂儀秦反舌定縱橫鵝嗔晉帖得奇字
鷄喚祖鞭非惡聲飽卧夕陽牛反齶誤投乾葉鹿虛驚
一枝棲息鷦鷯足三窟經營狡兔坑科斗草泥文字古
蝸涎蘚壁篆書精首昂蝨蝨貪寧死臂奮螳螂禍自嬰
山鹿見人頭卓朔野鷗得鼠腹彭亨雉傾族類甘為翳

鴨解人言畧自名羊狠濫稱髯主薄蟬肥薦食楮先生
色雖甚美猿深逝骨不須多狗必爭蛙為公乎緣底怒
鳩寧拙耳了無營勞形大塊皆同夢蝶化莊周月正明

秋崖集卷十一

欽定四庫全書

秋崖集卷十二

宋 方岳 撰

詩 五言古體

小集垂絲海棠下

春風定何物所至成芳妍
牆陰樹憔悴寧識歲月遷
今晨步吾廩珠纓粲紅鮮
餘醒不勝扶背面低晴煙
風日不貸人坐恐隨翩翩
強起從吾遊一笑俱嫣然

又

酌我紫金盞醉此紅玉甃為經老天手元氣之所滋萬
生有不齊時至俱紛披一一得自性亦豈造化私君看
枝上花榮落方自茲所可必者性不可違者時

南窓偶書

吾徒例迂疎與世自少可不工口躡嚅正坐胷磊砢折
腰迂人情高論常輒軻歸哉夜窓雨喜不失故我琴尊
日多暇未覺此計左秋風挾佳月流光侑孤坐持觴酌

伯倫彼豪真螺贏

其二

西風忽淒厲皎月流素光
客從何方來蘭佩芙蓉裳
揮琴發哀彈夜寂山蒼蒼
可人者翹生挽我無何鄉
醉中眇萬物拄頰歌滄浪

其三

毛穎輕俗子孔方疎吾曹
未須奴事錢正可僕命騷
持此將安之聊足以自豪
向來與諸儒尚論夔與臯
此言

終當酬時命不我遭欲語恐驚紛界之無甚高

夢方飲藥或告之曰攻伐太過斯傷天和覺而

識之

過恭為足恭過敬為繆敬禮猶不可過況以毒攻病甚
毒傷沖和一快喪軀命萬事有厥中毋使血氣橫子姑
小徐徐亦或見自性勿輕夢中語克念可以聖

和三四弟韻

清明乍佳遊適與元已并但有松葉醪寧須杏花餠漁

蓬半篙綠煙雨涵幽清緬懷蘭亭人高冢亦已平空餘
數行墨日月老送迎不知狂李白醉面騎長鯨宇宙曾
幾何一笑吾詩成

用韻還學者詩卷

製芰以為衣緝荷以為屋樵水秋夜寒悲風入琴曲不
怨山澤癯有道式金玉百年肘屈伸萬事手翻覆拙哉
富貴人胡椒不論斛何如遺編詩自足寄幽獨貧者士
之常前言炳如燭

畦菜

踏雲課園丁，趁雨鉏菜甲。土甘春繞畦，煙重曉攜鉏。母
令蔓草滋，旋拾枯篠插。詩腸風露香，碧脆已可掐。誰言
庾郎貧，未覺三韭乏。那知世有人，猶嫌萬錢狹。

丐祠不獲

老馬倦長路，歸鴻愜深林。廬山共江左，久已費越吟。樵
川邈何方，豈解操南音。三書光範門，香火盟初心。頗聞
丞相嗔，竟欲煩窺臨。寧知新種梅，條蕓雪霜侵。誰與旋

移竹藝此十畝陰所嗟飯不足未能決投簪出處方兩
難搔首成孤斟

亨道至能對棊月下文振聞後堂歌聲逃席而
起

高梧動涼吹月色如新磨吾儕冰雪胸如此良夜何二
客信不凡一局欲爛柯中庭人語寂玉佩鳴相摩勝士
何灑落俗子誰譏訶安得玉跳脫酌我金叵羅昭華不
露面獨置抽長歌徑令鄭子真飛夢巫山阿

泊釣臺

落帆鷗鷺步倚策羊裘軒紛披
緋籐閒森鬱古木尊幽
蹊石齒齒醉袖風翻翻
緬懷臺上人老蘚雙趺存
寧知天九重不博月一痕
咄哉侯君旁坐受富貴
吞先生無乃誤肯與癡人言
吾詩亦贅矣眠舌不可捫

牛屋

苦以連茹茅編以帶葉
籐俾子繭栗犢安卧煙雨曉
架犁初學耕敲扑固不少
我廩何時高爾室勿嫌小
半山

月荒涼四壁雲繚繞相期一飽外短笛秋渺渺黃鍾忽
滿脰聲欲撼林杪豈歎不耕人華棖上雲表

山行

山欲窈而深路欲繚而曲向來始開荒惟恐日不足松
行四五里雲繞上下谷振衣千仞岡邀月噴橫玉於今
曾幾何此興不可續一筇筋力疲籃筍或更僕平生愛
山心安得兩黃鵠昔如鴻翩翻今如駒局促盛衰固其
常細甚太倉粟付之琉璃黃澆以葡萄綠

又

吾州固多士霞珮相上下懿哉考亭老伊洛與並駕清
廟薦鼎彝黃琮加縹藉遂令晉之鄙嗜學如嗜炙豈徒
挾老筆秋風趁雄跨奇文吐寒芒明月夜相射要當抱
遺經與帝陳廣厦平津二三策夫我則不暇士以器識
先蘭鮑在所化行矣其勉旃勿為子虛詫

寄陳國錄

秋宵一何長客夢一何短坐為識丁累彈缺落孤館所

思渺寒江苦惜會面罕豈無相攜人情話誰與款昔為
爨下桐今為溝中斷江風搖青燈几硯塵欲滿不慣事
典籤與子書亦嬾傳聞教辟雍如樂得嶰管諸生聲利
塵頗欲一湔澣何時夜雨床共話晴雲盃

感風謝客

閭閻官蛙鳴勦勦老牛喘政坐一朝喧作此十日沴天
公信難料氣候隨手轉吾貧了目前遽脫春衣典寧知
昨夜雪縮若蠶作蠶坐令鼻流沫客邪閉闕健畏風甚

防秋畏酒甚把淺呼童語之故有客姑謝遣使吾早自
覺安得訛謬舛乃知天下事以謹失者鮮

採菌

溪行近里所雪菌朶寒撐久晴危欲枯抱甕日商略可
怜書生愚為口不計脚龜腸慣饑虛雞肋忍饒嚼獨奇
白雲芝風露專一壑自尋墮樵歸遠掬飛泉淪此豈不
足欺更嫌村釀薄世塗語百車官倉陳一餽胡為犯讎
彈而負兩芒屨甘餐自當肉石鼎香漠漠寧憶武昌魚

況復揚州鶴

有以晦庵真跡見寄者乃寒栖精舍詩也因次
其韻

富貴不可期貧賤未易驕山人乃爾昧過眼風煙飄鶴
鶴一枝足不知有層霄我知古之人千載俱寥寥寒栖
訪精舍野綠搖輕船一屏直聳聳萬里直蕤蕤至今空
堂雲巾屨遺高標笛聲橫者誰有些不可招却後五百
年容我摩青瑤尚憐沈東陽燕雀空喧囂

謂劼翁
者也

夢有饌予寶器一盞者曰僧某甲入寂奉以別也一念不敢受當與善知識作供耳顧眠僧在傍慨然偉岸與之揖甚野劃然笑曰我不管也因墨格上筆書云老藤一枝孤雲萬里如是我聞我聞如是放筆趺坐而逝既覺因作偈言焉知僧非異人與予宿有緣契庶幾聞之

何師何許人何用與世絕向來修何行於今得寂滅復以何因緣夢與老夫訣是身如虛空而有何差別云何

作我相饒別何屑屑彼分香賣履何者謂豪傑老師出世間亦復何戀結我法一切無何以此寶訣問寶何從來豈為我輩設師今何方去更吐廣長舌

燕來巢

吾貧自無家客戶寄村疇槿籬月三間荒寒天不管燕亦何所聞乃於我乎館豈以菊未蒨而有竹可歎不叩富兒門寧為老夫伴此意殊可人然亦侶吾懶所須半丸泥不費一秉耜云胡及風薰相宅無乃緩勉哉爾翁

姚坐席寧暇暖主人當賀成落以晴雲盃

次韻久雨

老我不解事束書別溪堂寧知十日雨換此兩鬢霜苔
滑蟻爭席雲蒸蝸篆梁移床夜避濕仰見天隙光長安
亦何好肯墮聲利場人情愛吾廬對此良自傷蚤知一
官誤悔不三逕藏沙觥竹萬箇屋頭木千章晴當相與
屐雨亦可以觴毋令鼃黽曹張王喧我傍

客有致鷓鴣者

沙禽有鷓鴣偕老矢靡他語語浴晴渚處處眠春莎三
生愛欲牽不避弋者羅雙籠致厓下窮感愁相賊吾將
逸之歸如此紅裳何方池尺有咫亦足供逶迤眷言樹
之柵結屋如漁蓑相攸奠爾居謹勿思江河豈但林外
鳩晴雨不我訛人斯其視斯妻柔而夫和

答吳尚書

今夕復何夕翠籠蒲艾香明朝做端午節物追楚鄉客
從何方來寄我錦雲章江山渺何許宛然挹清揚忽憶

老先生方上千歲觴北園竹萬箇想見清簟涼安得子
列子御我蘚古傍劇談坐抵掌一吐冰雪腸當時寫巴
曲本擬書數行筆閣不得下聊與歌慨慷迺今亦復爾
歌短意則長

社日以旱蔬食

驕陽挾融風合力為此旱南山膚寸雲六合望彌滿怒
吹不待族赤日行火繖幽窓幾長身玉立拯蕭散中乾
不自持稿項何足算以茲占西疇可想一本稗社公亦

耐事水舊不渠管方勤玉食憂下令屠牛坦坐令宰平
手無肉醉町疃但聞寬大書已責寧使緩龍湫有潛鱗
鬱屈睡欲嬾移文頌風伯九關誰可款

秋熱

衰老不耐暑喜甚秋咫尺秋來幾何時炮煮乃爾劇老
夫失望亦自媿兩屐青山吾故人可想不可覲農家
請言田使我舌屢啗六月漚為泥七月稿為腊十無一
二存政昔蝗

音橫

狼藉吾饑不能臘子熱不能夕子熱

猶可涼吾饑那可常

又

殘暑何姦雄酷烈不肯退穉秋太君子斂避不敢對薰
風來無期民愠良憤憤吳牛方喘月渴想蓐收代金行
既用事炎赫乃故在於今幾何時秋夏終晦昧畏熱如
畏虎悸汗流浹背南山殷其雷崛起雲霓霽誰當賤老
天與世思盟頗風雨一洗之此熱不可再

與至能夜話

吾生如征鴻歲月如脫兔江上煙雨寒花老春已暮肯
辭白髮親我蓋坐貧故文章未得力儒冠豈余誤至能
我輩人未隨時俗惡青燈竹窓底健論時一吐風雷萬
馬奔滄溟百川赴策名藉奉常顏色若有迂堂堂湖海
豪豈供折腰具欲於我乎館西山美無度謹勿袖笏來
恐犯西山怒

山莊書事

晨興抹兩屨為口見駟迫課童督秋刈野穫夜彭魄田

翁適過予繼縷黑而瘠具言土力貧年登苦糴阮一飯
不自期未議了稱責昨者耆長來名復掛欠籍截絹入
官輸官怒邊幅窄拋擲下堂階退字印文赤賣牛重買
絲篝燈不停息明當扣東鄰假牛下年麥久貧少人情
恐復不見惜既去重感傷行行猶欠息我歸不能眠草
根鳴蟋蟀

八月十四夜對月

澄空四無雲明月如疑霜岸巾南窓下領畧今夕涼鵲

夷渴生塵風味不可忘欲上排九闕箋此世故忙百年
幾今夕今我持空觴竹君自可人清影飛度牆挹彼風
露姿浣此冰雪腸明當醅甕熟春溜翻糟床良夜難虛
拘當復會此堂所不償予言有如明月光

明日雨再用韻

竹君頗介特高節凌秋霜朝來雨聲寒意色俱淒涼此
豈子敗盟而不能相忘秋色雨亦佳遣我冥搜忙離騷
日在眼据摭方濫觴安得靈運屐共窺公幹牆涉世三

折肱悲秋九迴腸脫巾漉浮蛆醉卧六尺床竹意亦自
持儼立何堂堂會當有良夜披戶延寒光

讀白詩效其體

我貧良亦難耒老生白鬚策名奉常第年已三十餘半
生苦無幾寧不欲疾驅山麋野而僻所至皆崎嶇一登
督視府兩駕太守車意見有不合索去不待炊所以二
十載同一優侏儒豈如雲水身自適瓜芋區夕吾酒一
瓢朝吾飯一盂貧賤與富貴本自無差殊寄語劉伯龍

母煩鬼揶揄

人生有窮達不係才不才造物所付與聖賢不能回君
看孔孟氏遇世何如哉豈其有不如王驪與桓魋以茲
自忖度所遭已踰涯前瞻固不反後顧又可哈同時第
進士或未離蒿萊歸來亦云幸瀟散月下盃山池芰荷
過野岸芙蓉開幅巾一筇竹適可眠秋厓

左耳聽比鄰哀哀哭其夫家破肉未寒欲與死者俱右
耳聽嫠婦呱呱哀其雛夫亡僅一女不自禁毒痛攬衣

夜向晨鐃鼓何喧呼誰何過喪車送骨荒山隅中年自
多感人世何所娛聞見又如此坐歎歲月徂明朝計安
出痛飲真良圖

寄題朱塘晦翁亭

吾州斷雲邊山水則大好不知幾何年有一晦翁老去
為考亭人草樹日枯槁兒時所釣遊豈不槩懷抱歸來
乎令威杖屨費幽討寒綠翁家塘昨夢幾傾倒田田君
子花籍籍書帶草誰其月三間聊以寄吾浩翁今為飛

仙落葉紛不掃滕侯所書紳歲月略可攷諸郎表章之
三峯倚晴昊貌予抱遺書生世恨不早至今章句間兀
兀首空皓緬懷草堂雲春風動芹藻

簡劉尉

秋風昨夜起碧宙已澄穆肯乘鷄栖車遠過蝸殼屋縱
無二頃秫亦有兩窓竹喜逢諫議面未負將軍腹燈寒
一夜話夢破十年讀貧味故自佳柔蔬雨中綠

藝蘭

猗蘭香幽茂深林自吹香何必九畹滋一枝有餘芳春
鉏斲寒煙渺渺懷江湘靈均惘未死憔悴歌滄浪

夏日珠溪賦八音體

金篩薜蘿月玉戛琅玕風石根一睡美幽尚誰與同絲
焚俗士懷顛倒崔烈銅竹筇肯俱來獨予兩詩窮匏瓠
亦纏藤永日閉梵宮土花侵道碧晚翠初空濛革華共
徘徊愛此山叢叢木犀約重遊小待香玲瓏

再賦

金谷已塵土珠履如飈風石崇與平原癡處正爾同絲
毫挂世網空錮南山銅竹窓理殘書久已不諱窮匏樽
吾秋人許訪青蓮宮土甘蔬亦香小摘空濛濛革革有
鳴禽留我幽花叢木屑落飛談煙霏晚葱瓏

與胡子安眺雲林

共搜括中竒邂逅瘦筇兩溪甘茶自香雪盡梅更爽硯
寒了佳娛林迴答幽響日暮僧不歸山雲自來往

嬾庵

坐兀忘晝長睡熟苦夜短一衲六十年肘見不渠管華
鯨撼林樾飯香雲子盃欠伸起卧堂云何師不嬾

夜夢至何許巖壑深窈石上苔痕隱起如小篆
有僧謂予曰楊誠齋范石湖題也明日續洪舜
俞登玲瓏詩有幾人記曾來老苔蝕凋鏤之句
恍然如夢因次韻記之

大楊風日春小范林壑秋去予幾何年各已如雲浮誰
歌黃金縷共醉白玉舟夢中到蓬萊名字留巖幽寧知

地下郎草記天上樓老石翠嵐濕古篆蒼蘚稠摩挲踞
虎兇齶屈蟠蛟虬想當得意時落筆不自休江山有二
老文字照九州神物儼護持剝蝕吾奚憂是間定何許
玲瓏窈相綢雲根與僧憇雪罅如神鏤欲呼古時月為
洗今人愁夢耶其非歟起坐搔白頭

題陳叔茂二亭

觀瀾


噴騰浙江潮犇放呂梁水人情駭竒觀所見濤浪耳見

浪不見瀾滔滔者皆是天晴風日佳試叩二三子

弄月

月從東峯來豈但千里共四天本無壁誰不得受用而

彼山中人塞向以自擁徑頗子陳子普請作清供



秋崖集卷十二

欽定四庫全書

集部

秋崖集卷十三

詳校官起居注主事臣顧宗泰

主事臣呂雲棟覆勘

總校官進士臣朱 鈐

校對官中書臣高 中

謄錄監生臣施 華

欽定四庫全書

秋崖集卷十三

宋 方岳 撰

詩 五言古體

雙頭蘭

夷齊首陽餓宇宙難弟兄同心倚雪屋世外一羽輕紫莖孕雙茁豈有兒女情賢哉二丈夫萬古離騷情

次韻訓季兄

客夢落江外時情付杯中願言烽火低不到甘泉宮吾
道易荆棘此身久萍蓬鶴眠伴官屋猶有林下風吹燈
讀離騷佳處時一逢

再用韻

嗟哉蠹書魚生死文字中向來阿房賦誰奏明光宮長
江一帆雨半世雙鬢蓬酒邊得吾子擘蟹談秋風江南
有茅廬山色相迎逢

與同幕集南樓再用韻

飛蓋臨邊城敵在吾目中古今一俯仰衰草迷隋宮書
生故倦遊龐眉感秋蓬安得雙飛鴻跨此萬里風下視
渺塵土母與俗士逢

又次韻

月寒弄清琴石齒鳴澗水寥寥古音在難入箏笛耳鍾
期渺秋江停手子姑已齊竽雜秦缶乃傾市門倚歸從
柴桑人醉漉春甕蟻

次韻酬章教授

江山渺愁予歲月如羽疾適烹雨前茶已擘霜後橘夜
窓秋氣悲栩栩夢主輩荒唐失飯牛迂濶坐捫蝨書生
夫何愚因子請具述端平元二間舊學賚良弼聘賢驛
流庾馭吏魚去乙人言萬化新太平適今日起與鉏耒
辭欲補萬分一寧知事大謬青衫乃吾桎五月謁吏銓
禁營干宥密六月道南徐宵掠無寧室七月絕濤江秦
渺亂師律戍樓角聲哀夕烽酣戰卒兵精晝經天肉食
者遑恤臨風一長嘆歸計吾已必胡為癡兒事屢奏齊

王瑟願言猛士心化作班侯筆

次韻舒尉

故山渺寒江抱此明月睡煙簑失春鋤萬事同一喟可
人期不來乃獨以詩至持觴聘梅花我醉花亦醉

再用韻酬朱制幹憶梅

風挾柳花狂晴酣海棠睡玉人山之阿為爾增歎喟春
妍花欲僂敢不一告至惜哉桃李場獨醒紛衆醉

三用韻酬行甫平山之約

我家江南村煙雨對山睡與山幾何別塵土發深喟歐
陽有佳踐花驄一鞭至亟報江南雲共此故人醉

四用韻

花愁牽勝遊禽嘆破佳睡點爾春何如妙在夫子喟宇
宙一瑟間誰知道之至而彼章句儒心為六經醉

五用韻

能官不如歸能詩不如睡春風遽如許對酒每三喟駕
言平山遊歲月驚屢至豈不賢於人遂逐利名醉

次韻楊先輩古調

陌上有蕩子金鞍飛華韉閨中有思婦玉指調悲絃當
時兩相得誤作容易看那知新婚別負此如花顏妾身
如秋葉君意如春煙恨妾不恨君勸君長加餐于飛者
雙燕人獨胡不然悲哉結交行難語之時賢

南山有於菟雪齒雙銅睛霧深忽軒髻孤嘯開青冥櫺
林歲月老猶以文炳名胡為食牛志無復當時英吾聞
楊儀之筆落風雨驚乃今已老矣囊錦攜一兵平時號

詩將窮處圍愁城何當截西崑與爾樽南溟高談動星斗萬物皆欣榮秋風吾亦歸空山多月明

次韻范侍郎寄趙校正

嗚呼小雅廢邊角搖軍聲采芹舊青衿亦須事力征朱轡挾武將白眼輕儒生區區衆濁間嗟子難為清向來意何如豈惟以文鳴乃今事大謬老氣猶崢嶸論事挾石猊摘辭吸川鯨久抱一束書空山卧月明竊憂邊警至鉦鼓搖神京幸存三寸舌寧守二尺檠有愚欲獻璞

無意望報瓊云何山陰興莫寫塞下情竹牀撼夜柝茅
屋荒秋城回首閭闔門何啻九萬程願言大白低滁山
足春耕堂皇坐醉翁開閣延羣英

題王尉半竹

吾始過西齋破於玉川屋中有山澤癯雪燈共夜讀秋
聲入雨聽手攜墻下竹攜鋤斫荒苔寧甘食無肉今春
初行鞭稍覺風月肅既成為詩喜破奉起新筭舊聞君
家猷興寄尚幽獨一日無此君亦自憎面目君其幾代

孫秀色若可掬萬事不挂口翛然對寒玉城中寸金地
官舍迫林麓曾微百肘寬難雜以花木尚遺一半何留
之與雲宿

蟄室

室中度以几其脩去尋一廣長尺而羸崇為咫者七牖
一以為明堦三以為密不供並橫肱所貴劣容膝蠖屈
忘春霆龜穹美朝日玄冥方用事萬木僵欲漂窮陰易
中人戒子謹無出於時則然耳天者儻可必相爾室外

寒磚爐坐捫蝨

鄭僉判取蘇黃門圖史園囿文章鼓吹之語為
韻見貽輒復賡載

挂冠與結綬孰者為良圖忍貧殊亦難乃有山水娛一
官落世網耳目皆非吾以此裁量之回也終不愚茅屋
八九間左右瓜芋區旋芻薄薄酒美如步兵厨醉中天
地寬渺視騶侏儒六合日清曠吾道寧榛蕪何幸畎畝
間身親見唐虞不學張季鷹秋風但萐鱸

其二

翫讎自山林伊優自朝市是耶其非歟一笑付圖史紛
華勿與戰深溝閉堅壘歲月曾幾何折北俱披靡問君
胡能然待以不爭耳北山有微行聊足屣吾履未莎者
維菊未棘者維杞櫨之復湘之寒綠水人齒秋聲在樹
閒餉我一睡美誰其驚周公山鳥亦逝矣

其三

澡身乎書圃晞髮於禮園靜中觀我生父乾而母坤寧

不自愛重日夕聲利昏前脩亦人耳而我何沄沄飄流
衆濁間我者能幾存人言千丈清不如一寸渾吾方洗
吾耳爾舌寧可捫人情習華競何啻於乞墦此固吾不能
歸袖風翻翻寔矣勿復道荷鋤過前村

其四

我觀衆草樹等是氣所囿蓬茅一何荒桃李一何秀榮
悴固不齊受命了無繆所以山中人翩然拂歸袖丁寧
語泉石此誤不可又開簾受微颺排闥入孤岫是身如

虛空一室寬宇宙夫何不訾省與世爭決驟天分有固然吾力豈其究

其五

往年鄭子真口語挂吏文寧知世間事變化紛如雲有司出納吝但守吾見聞參互漏一錢怒氣欲嚼齧鞭笞敢誰何竟取衆犬狺大官飽谿壑此特其毫分奮髯一軒渠要亦何足云人言老先生膏以明自焚歸來北窓底寸田得鉏耔諸公直汲黯羔鴈當成羣乃肯巾柴車

林壑伴野麋相從亦何樂賴有中書君

其六

我本耕田夫老矣紆郡章頭童齒欲豁顧視俱茫茫
胃中了無有寧敢高頡頏牧民如牧羊惟恐隳官常
秋田失一飽我食不下吭寧知事大繆以肉齒步光
每遭官長罵剛腸怒生芒歸來幾何時有過墻下桑
西風一葉脫野草忽已黃君行不可挽吾意不可忘

其七

吾仕竟三黜吾氣竭再鼓百年會有極等作一抔土寧
當友魚鰕勿謂怒豺虎靜中試遐觀一一皆自取但恨
齒髮衰無力供保伍結茅得幽深杉竹自成塢食貧秋
田少酒不供小戶醒眼對佳山日夕迭賓主有談及世
故使我舌屢吐常恐天地間愧仰而忤俯所以猿鶴居
不嫌蓬蒿柱可惜秋風至送君又南浦

其八

他山有高梧撼撼入涼吹物情競趨新不覺失故翠吾

生夫何如坐為有身累青山久蹉跎白髮竟顛顛平生
老瓦盆笑我識丁字為言已衰遲有口不如醉醉中當
自知生世略如寄何為爭市朝以死博一愧一杯為引
滿遂及二三四頽然乎林間客去吾欲寐

雜興

百年一瞬息萬事皆塵埃所以身後名不如掌中杯山
園足花草雨露相先開獨有屋下松春風不曾來青林
曉霜重百卉顏如灰蒼然五大夫鬱鬱何佳哉佳花費

事治十無二三本惡草時埽除已復相莽尊試嘗問園
丁否泰乃爾反渠方倚鋤笑謂我見事晚老天亦何心
生化日衮衮

其二

梁武欲為佛秦皇欲為仙萬乘猶不足要與天齊年人
生幾兩履過眼如風煙此心苦無已憂患長烹煎不見
容斯逐力詆爭秦權寧知咸陽市父子更相憐

去郡三思

我思种明逸與帝自賓友歸眠青山雲未醒紫宸酒誰
何敢譏彈乃有此健守天心本無私以一調衆口徙之
嵩山陽寧勿為法受夫何狐兔羣能振霹靂手此事關
綱常吾身竟何有

其二

我思老任常規我一本薤薤本猶可鉏而況此稊稗拔
之血入指咄咄吁可怪吾斯以為常未敢以為戒

其三

我思渤海龔一語鉏犢俗竟令隴畝間刀劍化牛犢樵
民亦人耳乃不受約束時時弄挺刃誰肯繼往躅歸來
乎山中無覩爾面目

感春

春風來無邊草木含華滋道旁有枯茨昨夜方歲隄陽
和本根在芽甲生光輝造化亦何心榮悴各有時

和放翁社日四首

社日雨

今茲淫春霖曾不避甲子荷鉏做秧田寧欠三寸水社
戊占豐登不以此故已徑起鰲鯨公鳴蓑共于耜

社鼓

蓼蓼粉榆社坎坎桑竹野初非有均度意欲薄幽雅侯
家按新聲視此寧勿緒且從羣兒嬉吾耒已可把

社酒

春風潑醅甕夜雨鳴糟牀相呼薦蠲潔洗盞方敢嘗不
辭醕酌紅所願擺極黃家家飯牛肥歲歲浮蛆香

社牲

年登斂牲錢日吉視牢筴烹庖香滿村未覺膾膾窄餒
餘裏青弱籬落笑言啞吐哉陳孺子乃有天下責

溪行

春風何時來柳色已如此山中不知年或告以子耜鳴
蓑起飯牛青青渺煙水獨有頭上霜春風不吾以

其二

煙埋草堂路雨暗梅花村起尋南溪翁隔此一水渾獨

酌固自佳業已攜山尊我醉即翁醉何必親與言

其三

宇宙一傳舍日月雙車輪人於萬古中何翅肘屈伸顏
跖有不同同作松下塵吾年已如此幾見花柳新

其四

萬彙之散殊各具一太極人言造化工生物不可測寧
知有自性無所用爾力試嘗問春風春風誰能識

其五

冬雪不到地春雪方連天山園亦珊瑚暄暖亦已妍舒
舒者丹萸忽作凍蛭拳寒燠固不齊勿與時爭先

次韻洪尉

書生一何愚出與世紛敵眇哉朱兩轡強名二千石於
世竟無補冉冉老已逼歸尋紫陽人獨速釣寒碧

其二

平生坐狷狹無與同襟期寧論馬得喪但問蛙公私其
初或取憎其究還見思不思亦何傷此癖終難移

其三

此郡如敗弓一弛不可張吾曹如庸醫了未分陰陽幸哉歲小稔意中猶差強與民同一飽擺耜秋風黃

其四

孰使邦人士不聞夷惠風帶刀與佩犢剗刃嘻笑中守
雖老無能此心與天通豈敢不自省刈人以為功

其五

氣當以志帥心豈為形役未知政奚先亦各職其職相

期邊幅捐安用竿牘飭勉旃正吾鵠其中非爾力

送俞尉

空山十日雨茅屋無炊煙吾饑尚可忍夜讀聲琅然荒
寒數家聚生理尤堪憐頻年歲不入枯草生秋田春深
麥猶穉米斗直萬錢悲哉幾斛愁博此半釜餐前村老
翁姥語笑何由緣問知好官人發廩不我賒常時有司
吝寧肯圭撮捐官來剖私量不受吏舞權中流一壺濟
空復寬眼前高軒忽予過剪韭相留連九華元老蒼歸

袖何翩翩官無高與卑為政要可傳使我一念存所至
民瘼痊常平吾故人問俗惟初寧為言民戚休毋或諉
老天吾方屏田廬不敢馳書箋併聲絕宣城倘寄晴雲
篇

山中作人名詩

負郭太幽深結茅容易得雖無桃李園石老松柏直山
北雨後蒼山南霽雲白荷鋤課諸兒陸續蔬甲拆

九日新種梅花開

木葉綠未脫菊叢黃始華
泛萸幾何日尚覺陶巾斜寒
梅殊不情矜秋吐奇葩
霜鬚半含蕾春換新茁芽
記初手鋤月垂楊已藏鴉
了無盤錯根但有枯槎牙
真同棄之耳生意詎可涯
歲行不能半孤秀則汝嘉
眷言抱幽獨乃亦紛競耶
妨處在歲寒奚取俗眼夸
蓋守虬龍姿毋汙蜂蝶譁
雪霜政凌厲春自不我遐

次韻蕭同年古意

春臯有耕夫扣角卧林麓
朝饑不能忍肯受世熏沐
脫

身從牛衣入耳皆狗曲何如一蓑寒風雨立於獨人言
骨相屯自信亦良篤空山多白雲萬此寧有足幽然閨
中秀不如倚市門彼美林下風不如刺繡文冰懷獨耿
耿寧入俗眼觀歲月不我留老蒼眉宇間舉世無與娛
逝言從綺園一歌一歎息寘此勿復論

又

猗猗者芳蘭翳翳彼幽麓不煩漠陰人抱甕相灌沐春
風自桃李急管亂繁曲紛紛衆醉間美此一醒獨造化

本何心亦因材以篤所以古之人身外無不足客有古
琴瑟得之自龍門於今幾何代庚庚裂竒紋攜持過齊
王自意當駭觀何如適獻笑棄置笙竽間時世我不遭
歸其老丘園鍾期今安之誰與俗士論

用簡齋建除體韻

建旗凜大將負弩紛前驅除此兩不能鉏荷則有餘滿
畦老松韭貧猶未飢虛平生錯料事不到齊王竽定無
相攜人歲晚誰與娛執杯手欲龜風雪侵貂褸破顏畫

孤嘯鬱屈終不舒危坐發深省寧若巾柴車成敗未可知
蕪我瓜芋區收身黃鰥鯨心迹何裕如開口不言錢
未害書生迂閑戶聊課詩政與俗士踈

田制

井田變阡陌萬世以罪秦商君信苛刻不過民自民漢
名反秦火當與三代鄰今年田欲方明年田欲均寧知
古井田不為賦稅湮百畝官所予無甚富與貧所為經
界者要使風俗淳豈為橫江網竭不遺一鱗乃知三代

時官與民為春秦民自生生官不與笑顰孰云漢田制
顧不如秦仁秦姑寘勿問漢已掎撫狎誰其起鄒叟重
與畢戰陳

夜聞雨用誠齋新涼韻

歲事不可常吾生復餘幾立秋五十日殊未涼風至山
田欲生煙旱氣亦可已撼撼聲入桐中夜攬衣起未議
填飢腸且與洗渴髓霖霖倘優渥安用雷電駛相傳水
晶宮法施政如此焦枯寬一分熱惱清十倍稽首不昧

香我意則佛意問雨從何來君其無罪歲

汪運幹容安齋

筆峰插天碧其下可以廬誰與半間雲共此一束書君
看柴桑人自愛松菊居北窓天地寬不受世卷舒脫巾
漉老瓦高枕眠華胥日月雙車轂乾坤一遽除是身亦
安用吾膝猶自如煙波健跨犢蘚石寒緡漁農人告春
暮山月隨歸鉏尚堪抱文度談詩到黃初謹毋屈聲利
望塵拜軒車

避暑冷泉

火雲散鱗甲萬瓦如炊燭東華車馬塵襪襪不自禁誰
能半日間脫身此窺臨百錢買漁篷橫截南北岑追隨
二三子未害山水淫邂逅十八公俱作笙鶴吟頗聞彼
上人振鬣萬馬瘖試詩沒字碑往聽無絃琴空堂無枯
秀契我回向心清涼一味禪揮玉開煩襟笑指亭下泉
杉竹涵幽深蘚橋於三閘龍怒飛出林奔雷吼春壑晴
雪生午陰人間正炎熱去作三日霖

答費宰

野人拙生事餅粟蓋無幾唯有松下風領略時一至邇
來風亦無抱甕豈得已賴有大夫公入山喚龍起鐵笛
橫秋潭山骨冰詩髓歸來白雲篇出語更清駛自非境
中人其孰能與此吾等纔噲伍君才與丕倍一聞老農
言遽得言外意徑煩寫呈佛十年亦中歲

答費司法

長房一青竹閱世不知幾下視區中人歲月老分至頗

聞第二泉風煙未渠已謫墮脩茶經政坐一念起誰令
哀鴻號手足痛入髓秋江渴到底安得半帆駛大士慈
愍故慮豈不及此軍持乞餘滴厥德安敢倍願言出岫
心慰我在原意歸尋舊時杖小住五百歲

再答

斐然偶成章和者蓋凡幾風騷李杜壇可望不可至而
況濂洛徒每嘆吾已已豈無願學心衰懦鼓不起何方
有神醫與我三換髓道在一唯間不在落筆駛君談何

容易僕也敢當此平生一青燈事半功則倍遺書亦具
存言固不盡意勉矣山林人優哉聊卒歲

中秋雨

明月如佳人會晤良亦難疇昔相與娛誤作容易者何
如費傾結欲語不可殫雲間金背蟄愛惜白玉盤寧受
妬婦欺不借俗世觀坐令四中秋雨滴梧桐寒人情重
今夕吳鉗蘚花乾亦知月不老終當出林端豈無三百
錢醉此素所歡舉杯吞寒光流入詩脾肝令我書傳香

一洗儒生酸

次韻招汪汝淵

俗子費應酬對面隔千里可人天一方情親不盈咫尺
雖吾故人商略每及此道逢孔方兄偃蹇不受使豈知
世俗眼睥睨輒嗤訾語言雜土氣屢欲洗吾耳客從何
方來力疾為倒屣出迎未暇揖肝肺已相委平生寡交
游正坐此曹鄙鄰牆有麴生之子差可喜試呼與之談
時或發名理往持邯鄲枕分此一睡美

雨望

前溪雨埋村咫尺不我過雷霆但濛鴻林莽亦掀簸竟
微一飄灑起此北窓卧對面自秦越孰為天宇大得非
老龍公憫念茅屋破田父適在傍出語驚四坐指予兩
青虹可見不可唾是能隔截之帝澤誰與播坐令水南
人一蹉成百蹉上天本均平夫豈不渠奈虹亦何能神
書生例窮餓

次韻程務實見寄

客來問奚自曰予自虞庠有友猿鶴姿與子鴻鴈行石
崖鬱崔嵬玉灑高頡頏昔為斗與牛今為參與商銜袖
尺素書寄此明月光吾詩眇何似雞羣之昂昂唱予和
者誰一叫孤鳳凰孰云噲等伍乃與國士雙大書適豪
縱深刻何煒煌尚餘煙雨痕急埽莓苔牆所嗟眼中人
未試肘後方平生湖海氣收拾歸短章故雖百車渠僅
同一毫芒極知不入時面有半寸霜再三約梅花雪谷
深韜藏少須具筆硯鼓柁凌寒江君紉杜若佩我製芙蓉

蓉裳

次韻程少章投贈

十稔眠半村一醉子萬象向來此方寸甚矣似元亮釣
石自寒煙誰知太公望北山忽移文猿鶴費尋訪老夫
竟何有豪奪牛背上時時夢中歸樵笛故悲壯始予斥
祈下天地方網緼綱常幾何在臬嘯千乾文林希亦入
耳擲筆爭書勲羣儉併附和四面皆楚軍當時此事集
不可塞外聞風雷忽飛厲聖矣堯舜君方今紫宸朝落

落盡圭璧予雖草茅士亦有二三策不愁衫故青所恨
頭盡白古人如可作雅欲分半席誰當為斧斤恐不中
柱石一官乞閒外此計吾已必平生剛直胸不肯偶土
木諫書上文石親見天穆穆諸賢忍不言諾諾恐非福
急回狂瀾倒何啻焦釜沃如聞左璫橫爾音乃金玉因
聲訊諸賢往事炳如燭蹇驢灞橋雪可人天一方理亂
了不聞衫袖走郎當老石卧白雲采巖山之陽謹母事
筆硯霜月凋肝腸買船予亦東一棹搖寒光當洗老瓦

盆遲君醉溪堂

別蒙姪

嗚呼吾與汝生世何不辰每思十年事雪涕時沾巾方
予第奉常堂有未老親當時爾父母綠鬢猶青春乃各
不待年拱木號蒼旻禍予不自殞降喪無太頻骨肉纔
百指踵作松下塵乃今所存者欲言鼻酸辛我父惟我
耳爾父惟爾身綿延僅不絕一絲引千鈞所以叔姪間
不啻父子真豈不念爾孤聚族守一貧曰惟門戶故戀

戀官倉陳雅欲攜爾俱守舍無可人向來惡少子覆轍
那可遵磨門故自佳爾學憂荆榛索居寡師友則與不
學均老夫本無似嗜書如嗜醇少時共燈火往往夜嚮
晨但患業不精寧往父母嗔爾今既婚冠不與兒童鄰
一念及泉壤於何敢因循此身所係重安事子諄諄俚
諺亦有之一日計在寅豈伊拾青紫聲利雙朱輪胸中
無古今幾何不凡民嗟予父祖曾百屈不一伸寸累望
吾輩詩禮俱彬彬奈何泉始流遽以捧土湮契濶未可

期為吐肝輪困幅短氣則長此紙共書紳

上鶴山作圖書所扁

我本耕田夫識字略可數誰令半窓燈奪此一犁雨明
經為青紫無乃以書賈晚知事大謬於學竟何補歸來
抱遺經頗欲窺門戶忍饑堪丹鉛環坐書作堵時或躋
唐虞身親到鄒魯吾方忘吾貧三徑蓬蒿挂獨慙鶴山
翁健筆照衡宇赤手盤蛟蛇今已泉下土連雲甲第多
未必快此覩乃知癡書人差勝守錢虜

白鹿洞

茲山信雄深鐘梵上雲雨微吾紫陽翁幾何不豪取有
來青牛車肯作白鹿主詩書夜被之一變至鄒魯唐虞
際淳熙此道日方午澗聲撼皇墳山翠濕章甫紛其四
方人會此共談麈岳也互鄉童屨二不及戶却後七十
年空堂凜遺矩四書在乾坤六老自今古昭回雲漢光
不隔天尺五厥惟貂續難謹勿小吾土

祭詩

我生胡不辰八齡失吾祖今垂四十年眉目略可覩當
時深根培所望大門戶岳也忝一科遺餘曾不補而乃
輕濤江飛檄淮南府父兄肯相隨薄飯共貧苦寧知事
大謬俱作一抔土去年汶素蹕永痛松柏古祿釜亦已
矣尚安事主組今年誤一出竟犯時輩怒去國不及炊
觸熱到環堵無何七月望新露灑秋宇近郊有蘭若梵
唄薄雲雨彼氓一念存提攜頗旁午因果夫何如亦各
言恃怙伊予祖父兄超然定何許然皆其忌月悲豈不

氓愈齋孟饌伊蒲從衆共偃僂蓋以妄塞悲有淚泚清
酤

秋崖集卷十三